

Psalmus responsorius

Ps 145, 6c-7. 8-9a. 9bc-10 (R̄: 1b)

R̄. Lauda, ánima mea, Dóminum.

vel:

Allelúia

^{6c} Qui custódit veritátem in sáeculum,
⁷ facit iudícium opprèssis,
dat escam esuriéntibus.
Dóminus solvit compeditos. R̄.

⁸ Dóminus illúminat cæcos,
Dóminus érigit depréssos,
Dóminus díligit iustos,
⁹ Dóminus custódit ádvenas. R̄.

Pupíllum et víduam susténtat
et viam peccatórum dispérdit.
¹⁰ Regnábit Dóminus in sáecula,
Deus tuus, Sion,
in generatiónem et generatiónem. R̄.